



**Broj:** 08-06/2-14-2-3023-9/15

**Dana:** 29.07.2015.godine

Na osnovu člana 70. Zakona o javnim nabavkama ("Službeni glasnik BiH", br. 39/14), ministar Ministarstva unutrašnjih poslova Zeničko-dobojskog kantona, d o n o s i:

### **ODLUKU**

o izboru najpovoljnijeg ponuđača - "AUTOCENTAR BEGANOVIĆ" d.o.o. Zenica, za "LOT 3: Nabavka putničkih vozila za potrebe lokacija za izdavanje ličnih dokumenata (mobilne ekipe, dovoz pasoša)"

#### **I**

Prihvata se Preporuka Komisije za javnu nabavku roba, usluga i radova (u daljem tekstu - Komisija), iz Zapisnika o ocjeni ponuda broj: 08-06/2-14-2-3023-4/15 od 29.07.2015.godine, i ugovor za "LOT 3: Nabavka putničkih vozila za potrebe lokacija za izdavanje ličnih dokumenata (mobilne ekipe, dovoz pasoša)" dodjeljuje se ponuđaču "Autocentar Beganović" d.o.o. Zenica sa ponudom broj: 08-06/2-14-2-3809/15-BS od 20.07.2015.godine, za ponuđenu cijenu u iznosu od 66.442,00 KM bez PDV-a.

#### **II**

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti *originale ili ovjerene kopije* niže navedene dokumentacije, koja ne može biti starija od *3 (tri) mjeseca*, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

- Pozitivan bilans uspjeha za posljednje 2 finansijske godine (2013. i 2014.godina) za koje se raspolaze podacima, ili od datuma registracije, odnosno početka poslovanja u predmetnom segmentu, ako je ponuđač registriran, odnosno počeo sa radom prije manje od 2 (dvije) godine.

- Izjavu o ukupnom prometu ponuđača, i kada je to primjereno, o prometu u segmentu poslovanja koji je predmet ugovora, za posljednje 2 (dvije) finansijske godine (2013. i 2014.g.) za koje se raspolaze podacima, ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od 2 (dvije) godine.

- Dokumentacija (izjava ili ovlaštenje ili autorizacija) izdata i ovjerena od strane proizvođača ili generalnog zastupnika kojom ponuđač dokazuje da je proizvođač ili generalni zastupnik ili ovlašteni distributer ponuđenih vozila. Ponuđač mora dostaviti dokument koji je izdat od strane njegovog principala (proizvođača ili generalnog zastupnika) i koji je važeći u momentu dostavljanja ponude, odnosno, ne može kao dokaz dostaviti dokument kojeg je izdao sam sebi (original ili ovjerena kopija);

- Dokumentacija (izjava ili ovlaštenje ili autorizacija) kojom ponuđač dokazuje da je servis osiguran u

Bosni i Hercegovini, te u skladu s tim tehnički opremljen i kadrovski osposobljen za servisiranje ponuđenog vozila. Ponuđač mora dostaviti dokument koji je izdat i ovjeren od njegovog principala (proizvođača ili generalnog zastupnika) i koji je važeći u momentu dostavljanja ponude, odnosno ne može kao dokaz dostaviti dokument kojeg je izdao sam sebi (original ili ovjerena kopija).

- spisak ugovora o isporuci putničkih vozila tokom posljednje 2 (dvije) godine (2013. i 2014.g.), ili od datuma registracije odnosno početka poslovanja ako je ponuđač registrovan odnosno počeo sa radom prije manje od 2 godine. Uz spisak izvršenih ugovora ponuđač je dužan dostaviti potvrde o uspješno izvršenim ugovorima koju daje druga ugovorna strana o njihovoj realizaciji; Potvrda o uredno izvršenim ugovorima mora sadržavati: naziv i sjedište ugovornih strana ili privrednih subjekata; predmet ugovora; vrijednost ugovora; vrijeme i mjesto izvršenja ugovora, navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.

- dokaz o registraciji u profesionalnom ili trgovačkom registru u zemlji u kojoj su osnovali firmu ili dostaviti posebnu izjavu ili referencu nadležnog organa kojom se dokazuje da je ponuđač u vrijeme predaje ponude registrovan za predmetnu djelatnost.

Ako se dokaz o registraciji ne izdaje u državi sjedišta privrednog društva, privredno društvo može dostaviti Izjavu s ovjerom potpisa kod nadležnog organa.

- 2 (dvije) obične kopije dostavljene dokumentacije – kopije ponude mogu ali ne moraju imati čvrsti uvez.

### III

Ova Odluka objaviće se na web stranici ugovornog organa ([www.mupzdk.gov.ba](http://www.mupzdk.gov.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### IV

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 08-06/2-14-2-3023/15 od 03.06.2015.godine.

Javna nabavka provedena je putem otvorenog postupka nabavke.

Procijenjena vrijednost nabavke za LOT 3 je: 80.000,00 KM bez PDV-a.

Obavještenje o nabavci broj: 488-1-1-29-3-19/15, poslano je na objavu dana 04.06.2015.g., čiji je sažetak objavljen dana 08.06.2015.godine u "Sl. glasniku BiH", broj 45/15.

Komisija za javnu nabavku imenovana je rješenjem broj: 08-06/2-14-2-3023-2/15 od 05.06.2015. godine.

Komisija za javnu nabavku sačinila je Zapisnik o zaprimanju ponuda, Zapisnik sa otvaranja ponuda broj: 08-06/2-14-2-3023-3/15 od 20.07.2015.godine, i Zapisnik o ocjeni ponuda broj: 08-06/2-14-2-3023-4/15 od 29.07.2015.godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute zapisnike, iz kojih je utvrđeno sljedeće:

- da su se do roka određenog za dostavljanje ponuda, 2 (dva) ponuđača prijavila na predmetno javno nadmetanje, i to ponuđači: "Autocentar Beganović" d.o.o. Zenica i "Marketauto" d.o.o. Laktaši.

- da ponude svih ponuđača ispunjava zahtjeve ugovornog organa u formalno-pravnom, ekonomskom i tehničkom smislu, tj. da su prihvatljive za ugovorni organ.

U postupku kvalifikacije ponuda dana 24.07.2015. godine, ponuđač AUTOCENTAR BEGANOVIĆ D.O.O. ZENICA je pozvan da dostavi objašnjenje za svoju ponudu za LOT 1 i LOT 3 zbog neprirodno niske cijene, imajući u vidu da je njegova ponuda više od 20% niža od cijene drugorangirane prihvatljive ponude, a na osnovu člana 66. Zakona i člana 17. stav 7. tačka b) Uputstva za pripremu modela tenderske dokumentacije i ponuda. Dana 27.07.2015. godine, ponuđač AUTOCENTAR BEGANOVIĆ D.O.O. ZENICA je aktom od 27.07.2015. godine dostavio traženo objašnjenje, u kojem je konstatovano da isti u potpunosti ostaje pri svojim cijenama koje su realne i ekonomski u cjelosti ispravno postavljene uz obrazloženje da je svoju cijenu formirao na bazi zvaničnog cjenovnika svog dobavljača, odnosno

proizvođača RENAULT-DACIA i uz svoje objašnjenje ponuđač je dostavio i zvanični cjenovnik, te napominje da je isti javno objavljen i svim zainteresovanim kupcima koji je dostupan na službenoj stranici proizvođača Renault-Dacia.ba. Također ponuđač ističe da je drugorangirani ponuđač vjerovatno ponudio vozila iz sasvim drugog proizvodnog programa koji su na tržištu skuplji od vozila koje ja nudim (RENAULT-DACIA) a iz tog razloga smatram da je teško vršiti poređenje vozila dvije različite marke. U odnosu na popust, a kojeg sam iskazao u svojim ponudama opravdava politikom svog dobavljača koja se ogleda u tome da je popust veći ukoliko se radi o nabavci veće količine vozila, a u koju kategoriju Vi spadate kao ugovorni organ odnosno u kategoriju tzv. flotnog kupca, a kojim kupcima se daju veći popusti, za razliku od kupaca koji vrše nabavku samo jednog vozila i koji se u ovu kategoriju ne mogu svrstati.

Pored naprijed navedenog, ponuđač ističe da je dajući ovakvu ponudu iskoristio i mogućnost da se odrekne dijela zarade koju bi imao u slučaju plasmana samo jednog vozila, a što mu omogućuju elementi ekonomičnosti u njegovom poslovanju.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora - "ekonomski najpovoljnija ponuda".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, i predmetnom tenderskom dokumentacijom.

Slijedom navedenog, ponuđač "Autocentar Beganović" d.o.o. Zenica je odabran na osnovu ponuđene cijene u iznosu od 66.442,00 KM bez PDV-a. Redoslijed ostalih ponuda dat je u niže navedenoj tabeli:

Red. br.	Ponuđač	Cijena u KM bez PDV-a	Popust	Cijena u KM bez PDV-a sa uračunatim popustom	Preferencijalni tretman domaćeg	Cijena sa popustom i preferencijalnim tretmanom domaćeg u KM bez PDV-a	Rok isporuke	Rok plaćanja	Bodovi za cijenu	Bodovi za rok isporuke	Bodovi za rok plaćanja	Ukupno bodovi	Rang
1.	MARKETAUTO DOO LAKTAŠI	85.590,00	-	85.590,00	Ne	85.590,00	75 Dana	30 Dana	62,10	9,33	4,92	76,35	2
2.	AUTOCENTAR BEGANOVIĆ DOO ZENICA	72.219,00 KM	8%	66.442,00	Ne	66.442,00	70 Dana	61 Dana	80	10	10	100	1

#### **PRAVNA POUKA:**

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti pruzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

#### **DOSTAVLJENO:**

1. Ponuđači, 1x-
2. Sektor za podršku, 1x.-
3. Komisija za javnu nabavku roba, usluga i radova, 1x.-
4. Spis, 1x.-

**MINISTAR**

**Hajrudin Žilić**